



PREDMET: Pojašnjenje tenderske dokumentacije

U sjedištu Ugovornog organa dana 17.7.2026. godine, pod brojem protokola: JN-OP-187-7/2026 i JN-OP-187-8/2026, zaprimljeni su Zahtjevi za pojašnjenje tenderske dokumentacije, broj: JN-OP-187-6/2026 u postupku javne nabavke „**Bespilotne letjelice - dronovi za nadzor trasa DV**“, dostavljeni od strane privrednog subjekta AVITEH BH D.O.O., u kome se traže sljedeća pojašnjenja:

1. Pitanje vezano za tehničku i profesionalnu sposobnost:

"Ponudlač mora imati na raspolaganju najmanje jednu (1) osobu osposobljenu za upravljanje bespilotnim letjelicama i provedbu obuke korisnika, koja posjeduje važeće ovlaštenje, certifikat ili drugi odgovarajući dokaz osposobljenosti za upravljanje bespilotnim letjelicama, izdan od strane nadležnog tijela u skladu s važećim propisima civilnog zrakoplovstva (Direkcija za civilno zrakoplovstvo BiH / BHDCA) ili od nadležnog tijela druge države sukladno EASA ili ekvivalentnim propisima." odnosno dio:

"Kao dokaz ispunjavanja uvjeta iz točke 15.1 c), ponudlač je dužan dostaviti dokument izdan od strane proizvođača, distributera ili drugog ovlaštenog gospodarskog subjekta iz kojeg je vidljivo da je ponudlač ovlašten za prodaju, isporuku i/ili tehničku podršku za ponuđenu opremu. Kao prihvatljiv dokaz smatrat će se: potvrda proizvođača, autorizacija, potvrda distributera, partnerski certifikat, ugovor o poslovnoj suradnji, izjava proizvođača ili distributera ili drugi odgovarajući dokument. Dostavljeni dokument mora sadržavati najmanje: naziv ponudlača, naziv proizvođača ili distributera, naziv ili tip ponuđene opreme, potvrdu da ponudlač može obavljati prodaju i/ili tehničku podršku za ponuđenu opremu."

Pitanje glasi: da li će ugovorni organ prihvatiti certifikat izdat od strane proizvođača ponuđene opreme da je osoba koja će biti angažovana na obuci certifikovana i da je prošla obuku do strane proizvođača. U pitanju je certifikat na kojem su navedeni podatci osobe i može se provjeriti na oficijalnoj stranici proizvođača da li je certifikat validan. Pored toga bi dostavili potvrdu da ćemo našeg uposlenika sa certifikatom od strane proizvođača angazovati ukoliko budemo odabrani za realizaciju. Pitanje postavljam iz razloga što se čini da ne ispunjava navedeno." Dostavljeni dokument mora sadržavati najmanje: naziv ponudlača, naziv proizvođača ili distributera, naziv ili tip ponuđene opreme, potvrdu da ponudlač može obavljati prodaju i/ili tehničku podršku za ponuđenu opremu." A suštinski ispunjava traženo.

2. Pitanje vezano za dodatnu opremu za dron i profesionalnu sposobnost:

U tehničkoj specifikaciji je navedeno da je neophodno isporučiti propeller guard za dron. Model koji odgovara tehničkoj specifikaciji je enterprise dron i za njega ne postoji propeller guard jer je samo kućište i propeleri robusnije napravljeno. Da li će ugovorni organ napraviti izmjenu TD?

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

1. Odgovor:

Ugovorni organ pojašnjava da se dokazivanje ispunjavanja uvjeta iz točke 15.1 b) tenderske dokumentacije provodi u skladu s dokazima propisanim točkom 15.2 c) tenderske dokumentacije, koja će se ovim pojašnjenjem odgovarajuće izmijeniti.

Cijeneći navode iz zahtjeva za pojašnjenje, a radi otklanjanja mogućih nejasnoća, Ugovorni organ će izvršiti izmjenu tenderske dokumentacije u dijelu koji se odnosi na dokazivanje stručne osposobljenosti osobe za provedbu obuke korisnika. Izmjenom tenderske dokumentacije kao prihvatljiv dokaz smatrat će se i **certifikat proizvođača ponuđene opreme kojim se potvrđuje osposobljenost osobe za provedbu obuke za ponuđenu opremu**, uz ostale dokaze propisane točkom 15.2 c) tenderske dokumentacije.

Ugovorni organ pojašnjava da se dokumentacija iz točke 15.2 c) odnosi isključivo na dokazivanje stručne osposobljenosti osobe angažirane za provedbu obuke korisnika, dok se dokumentacija iz točke 15.2 d) odnosi na dokazivanje ispunjavanja uvjeta iz točke 15.1 c), odnosno ovlaštenja ponuđača za prodaju, isporuku i pružanje tehničke podrške za ponuđenu opremu. U tom dijelu tenderska dokumentacija ostaje nepromijenjena.

Izmjena tenderske dokumentacije bit će objavljena na Portalu javnih nabavki, na način dostupan svim zainteresiranim ponuđačima. Ostale odredbe tenderske dokumentacije ostaju nepromijenjene.

2. Odgovor:

Ugovorni organ je razmotrio postavljeno pitanje te utvrdio da, prema službenoj tehničkoj dokumentaciji proizvođača, za pojedine modele bespilotnih letjelica koji ispunjavaju zahtjeve tehničke specifikacije nije predviđena zaštita propelera (propeller guard) kao dodatna oprema, zbog čega navedeni zahtjev nije primjenjiv na sve modele koji mogu biti predmet ponude.

Slijedom navedenog, Ugovorni organ će izvršiti izmjenu tenderske dokumentacije u dijelu Priloga 7 – Tehnička specifikacija, na način da će se izmijeniti stavka 4.1, kojom će se zahtijevati isporuka zaštite propelera kompatibilne s ponuđenom letjelicom, ukoliko je takva dodatna oprema dostupna kod proizvođača za ponuđeni model letjelice.

Izmjena tenderske dokumentacije bit će objavljena na Portalu javnih nabavki te će biti dostupna svim zainteresiranim ponuđačima. Ostale odredbe tenderske dokumentacije ostaju nepromijenjene.

S poštovanjem,

Predsjednik Komisije za
JN-OP-187/2026



"Elektroprenos Bosne i Hercegovine" a.d. Banja Luka JIB: 4402369530009
78000 Banja Luka, Marije Bursać 7a,
Tel. +387 51 246 500, Fax: +387 51 246 550
Operativna područja:
Banja Luka, Sarajevo, Mostar i Tuzla

ID broj PDV:
402369530009
MB: 11001416
BR: 08-50.3.-01-4/06
Ministarstvo pravde BiH
Sarajevo

Korisničke banke i brojevi računa
Nova Banka a.d. 5550070151342858
UniCredit Bank a.d. B. Luka 5510010003400849
Bosna Bank Int. d.d. Sarajevo 1413065320340257
Atos Bank a.d. Banja Luka 5672411000000702
ASA Banka d.d. Sarajevo 1341051110000221